

OBAVIJEST

Uvažavajući aktualizirane inicijative banaka u FBiH i drugih zainteresiranih strana, potrebu ujednačavanja supervizorskog pristupa entitetskih agencija za bankarstvo u primjeni propisanih regulatornih ograničenja u pogledu ročne usklađenosti finansijske imovine i finansijskih obaveza i propisanog minimuma likvidnosti (dekadni i dnevni), a polazeći od faktičkog stanja, supervizorskih ocjena i pokazatelja likvidnosti u bankarskom sistemu u FBiH, pojedinačnih zaključaka Analize prikupljenih podataka banaka o stabilnosti štednje stanovništva i a vista depozita za period 2009.-2013. godina, kao i prethodno provedenih analiza u segmentu likvidnosti, sagledani su mogući modaliteti uključivanja stabilnosti depozita u propisane regulatorne izvještaje, uz opredjeljenje za oprezan supervizorski pristup koji osigurava visok stepen stabilnosti i otpornosti bankarskog sektora u BiH.

Kao prihvatljiv modalitet procijenjeno je uvođenje mogućnosti korištenja korektivnog faktora koji odražava stabilnost određenih kategorija depozita u postojeće regulatorne zahtjeve koji se odnose na propisanu ročnu usklađenost finansijske imovine i finansijskih obaveza banke u periodima ročnosti do 180 dana u bankama koje ispunjavaju propisane uslove.

U smislu prethodno navedenog, utvrđen je Nacrt Odluke o izmjenama i dopunama Odluke o minimalnim standardima za upravljanje rizikom likvidnosti banaka, koji je 16.05.2014. godine upućen u javnu raspravu bankarskom sektoru u FBiH, putem Udruženja banaka Bosne i Hercegovine. Rok za provođenje javne rasprave je 23.05.2014. godine.

Istovremeno, nacrt predmetne Odluke raspoloživ je bankama na internetskoj stranici Agencije, u okviru rubrike „Propisi u pripremi“.

Nakon okončanja javne rasprave Agencija će, u skladu sa uobičajenom procedurom, analizirati pitanja, komentare i prijedloge bankarskog sektora, dostaviti očitovanje bankama na iste, te utvrditi konačan prijedlog predmetne Odluke i uputiti je na usvajanje Upravnom odboru Agencije, nakon čega bi uslijedilo službeno objavljivanje iste.